



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 53. De Descensu ad limbum.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

gnatus in sepulchro, ita, postquam nos sanctif-  
fimi sui nominis impressione signauit, velit  
vt hoc sacrum sigillum custodiat, & conser-  
uet in nobis semper diuinum amorem, & si-  
militer conseruet nos, in suo perpetuo serui-  
tio. Amen.



MEDITATIO LIII.  
DE DESCENSU

AD LIMBVM.

PVNCTA MEDITATIONIS.

- I. Descendit primum in inferiores par- *Ephes. 4.*  
tes terra.
- II. Exspolians principatus & potestates,  
traduxit.
- III. Palam triumphans illos in semetipso. *Coloss. 2.*

FIGVRA.

**M**OYSES educens populum Israeli- *Exo. 14.*  
cum ex terra Aegypti, diuisit  
virga sua mare rubrum. Sicque uni-  
uersus populus sicco vestigio ma-  
re pertransijt; Pharaon verò, & omnes ini-  
mici eorum aquis submersi perierunt.

PROPHETIÆ.

**E**T eduxit eos de tenebris, & umbra mor- *Pf. 106.*  
tis, & vincula eorum dirupit, quia

contriuit portas areas, & vectes ferreos confregit.

Zach. 9. Tu quoque in sanguine testamenti tui emisisti vinctos tuos de lacu, in quo non est aqua.

Osea 13. De manu mortis liberabo eos, de morte redimam eos: Ero mors tua o mors, morsus tuus ero inferne.

---

DOCUMENTA.

1. **C**HRISTVS primò descendit è cœlo in partes inferiores terræ, postea ascendit in altum: Ita nos, si volumus cum illo exaltari, necessarium est, vt nos humiliemus & submittamus infra omnes.

2. Si Christus Dominus noster non dignatus fuit descendere ad partes inferiores, vt liberaret sanctos istos Patres: neque nos debemus dedignari pro auxilio & consolatione proximorum visitare carceres, hospitalia, & agere cum omnibus, etsi sint personæ humiles, pauperes, & viles.

3. Si Christus triumphum retulit de demone aduersario nostro, quanto vituperio dignus erit Christianus, & multò magis religiosus, qui cum à passionibus proprijs vincitur, permittit, vt ille de se triumphet, de quo Christus caput nostrum triumphauit.

4. Tunc ad imitationem Christi de spolijs inimicorum nostrorum triumphamus, quando sensus nostros mortificamus, subiiciendo carnē spiritui, & similiter religiosi, qui abnegant voluntatem & iudicium, submittendo illud suis superioribus.

5. Late-

MEDITATIONVM. 343

5. Latebant sancti Patres in tenebris, sed cum spe desiderioque Saluatoris, idcirco promeruerunt, vt visitarentur & liberarentur. Ita nos cum versamur in tenebris tentationum, aut desolatione spirituali, non amittamus confidentiam; verum cum desiderio recurramus ad Christum, & sine dubio ab ipso visitabimur & consolabimur.

6. Supportemus in patientia omnes molestias & miseras, quantumuis magnas in seruitio Dei, seminantes in lachrymis opera nostra: cum simus certi, quod in alia vita metemus cum exultatione, & colligemus fructum copiosum, sicut Christus recollegit ex passione sua, liberando tot animas cum magna consolatione.



MEDITATIO LIV.

DE CHRISTI RESURRECTIONE ET APPARITIONE

PRIMA MATRI FACTA.

PVNCTA MEDITATIONIS.

- I. Elapso Sabbatho, valde mane, tres *Mat. 28*  
Mariae venerunt ad monumentum *Mar. 16.*  
portantes aromata. *Luc. 24.*
- II. Illis sollicitis facto terra motu, apparuit Angelus, reuoluens lapidem ab ostio monumenti. *Ioan. 20*
- III. Illis introeuntibus ac stupentibus dixit Angelus: ne timerent ipsa, IESVM quarentes, qui surrexisset.